

Kigutiginnerulernissaq anguniarlugu suleriaasissaq 2019-miit 2024-mut

Nutarterneqarpoq JANUAR 2022

Kigutilunneq akiorniarlugu suliniutissatut siunniussat 2019-2024 (meeqqanik mikisunik kigutigissaanermut tunngatillugu januar 2023 naqqiuteqarfigisaq)

Kigutiginnerulernissaq anguniarlugu suleriaasissap siullertut malunnartinniarpa, angajoqqaat akisussaaffimmik tigumminninnerat tulliatullu meeqqamik kigutigissartarnissaannik kigutaannillu paarsilluarnissamut akisussaanerat namminnerlu kigutiminnik paarsilluarnissaannut.

Kigutigissuunissamik suliaqartut atuartsinerisigut, inunnillu ataasiakkaanik pinaveersaartitsinerisigut tamanna anguniarneqassaaq. Ukiumoortumillu kigutilerinerit, misissuinerit nalunaarsuinerillu OCR atorlugit aamma ingerlanneqartassalluni.

Nutarterneqartoq Januar 2021

Aallarniutigalugu pinngitsoorani nalunaarsuineq OCR atorneqassaaq 3-niit 20-it ilanngullugit ukiulinni TAMARMIU-SUNI. Ukiumut ataasiarluni kigutaasa misissortarnissaat neqeroorutigineqartassaaq 3-miit 20-it ukiullit ilanngullugit.

JANUAR 2022 aallarnerfigalugu OCR atorlugit nalunaarsuinerit iluini 21-inik ukiullit ilanngunneqartalissapput ukiullu tamaasa ukiui ataatsimik ilaneqartassapput 2026-mi 25-inik ukioqalereersimanissaat tikillugu. 3-niit 15-inik ukiullit ilanngullugit anguniagaavoq minnerpaamik 90% OCR atorlugit nalunaarsorneqartassasut.

Januar 2023 aallarnerfigalugu OCR atorlugit nalunaarsuinerit iluini 22-inik ukiullit ilanngunneqartalissapput ukiullu tamaasa ukiui ataatsimik ilaneqartassapput 2026-mi 25-inik ukioqalereersimanissaat tikillugu.

Kiisalu 16-iniit 22-it ilanngullugit ukiullit minnerpaamik 50 % OCR atorlugit nalunaarsorneqartassapput.

Kigutiginnerulernissamik anguniakkat meeqqani mikisuni, atuartuni inuusuttunilu imaapput:

- 3-nik 5-it ukiullit ilanngullugit 2024-mi: minnerpaamik 90 % def-s= 0 immuttuutaat putoqassanngillat
- 6-nik 9-it ukiullit ilanngullugit 2024-mi: minnerpaamik 65 % def-s/DMF-S=0 kigutaat putoqassanngillat
- 10-nik 12-it ukiullit ilanngullugit 2024-mi: minnerpaamik 80 % DMF-S= 0 kigutaat ataavartussat putoqassanngillat
- 13-nik-15-it ukiullit ilanngullugit 2024-mi: minnerpaamik 70 % DMF-S= 0 kigutaat ataavartussat putoqassanngillat
- 16-nik 23-it ukiullit ilanngullugit 2024-mi: minnerpaamik 50 % DFM-S= 0 kigutaat ataavartussat putoqassanngillat

Anguniakkat anguniarnerinut pingaaruteqarluinnarpoq, kigutileriffeqarfinni sulisut tamarmik suleqatigiillutik meeqqat inuusuttullu kigutaat pitsanngorsassallugit, kigutiginnerulernissaq anguniarlugu suleriaasissaq malillugu.

Angajoqqaanik qanimut attaveqarnissaq pingaartinneqassaaq, meeqqat kigutaasa misissornerini sapinngisamik angajoqqaavi peqataatillugit meeqqap 10-nik ukioqalernissaa tikillugu.

Kigutilunneq akiorniarlugu suliniutissatut siunniussat 2019-2024 (meeqqanik mikisunik kigutigissaanermut tunngatillugu januar 2023 naqqiuteqarfigisaq)

Meeqqanik ukioqanngitsuniit tallimanik ukiulinnik kigutigissaaneq. Siunertaq: Pineqartut kigutigisuutinnissaat kigutigis-saasup aamma/imal. Klinikassistentip suliassaraat.

Ukioqanngitsuniit tallimanik ukiullit, kigutilerivinni ataasiakkaani kigutilerisutut pisortaq suleqatigalugu, pilersaarusiun-neqassapput.

Sinerissami kigutileriveqarfinni pissutsit apeqqutaallutik pilersaarusiorneq assigiinngissuteqarsinnaavoq. Tunngaviusumilli ima ingerlanneqartarluni:

Meeqqat mikisut pisariaqartitaat tunngavigalugit kigutigissaaneq – meeqqanik toqqisisimalersitsisarpugut SIUSSUK-KUT/ PIFFISSAAGALLARTILLUGU iliuuseqarneq:

Taamaaliornikkullu kigutileritittariaqannginnermik imal. suliaritittariaqannginnermik iluatitsineq.

Meeqqat toqqissisimanerat, mikinerminniilli kigutilerivimminnut attaveqalernerat/tatiginnilernerat, mikisunnguunerminniit kigutimik misissortinnissaannut tunngatillugu toqqissisimanerat tamatuma nassatarissavaa.

Ilinniakkat akimorlugit suleqatigisat:

Ulluunerani paaqqinnittarfiit -angerlarsimaffiminni meeqqanik paarsisartut-anaananngorlaat-meeraaqqerisut-ilaqutariinnik sullissiviit immaqalu sinerissami sumiiffinni ataasiakkaani periarfissat allat

- **Arfinilinnik qaammatillit:** Pulaarneq siulleq. Angerlarsimaffimmut pulaarneq. Immaqa ikittunnguak-kuutaarluni kigutilerivimmut pulaarneq.

Angajoqqaat kigutileriveqarfimmiullu meeqqat kigutigissusaannut tunngatillugu naligiimmik oqaloqatigiinnerat Kigutigissarneq (kiguteqalersimannikkaluuaniluunniit, kigutigissaammik sungiussiniarneq.

Nerisassat/imeruusaatit sutsitorneq- kigutillu immuttuutit paarinissaat pillugit oqaloqatigiinneq

Tulliani attaveqatigiittoqassaaq meeraq 14-inik qaammateqalerpat.

Atuagaaraq "Immuttuutit pillugit" tunniunneqarsinnaavoq.

- **14-inik qaammatillit:** Meeqqat angajoqqaallu ataatsimoorlutik kigutilerivimmut pulaarnerat.

Angajoqqaat kigutileriveqarfimmiullu, meeqqat peqataatillugit naligiimmik oqaloqatigiinnerat. Kigutigissarneq/ilitsersuineq/kigutit qaqorsaataat.

Nerisat/imeruusaatit oqaloqatigiissutiginerat.

Sutsitornermut kigutillu immuttuutit katagalernissaasa tungaanut piginnarnissaasa pingaaruteqassusaanut tunnga-tillugu paasissutissiineq (Kigutit inissisimanerat/inissaqarnerat) Aarlerinassutsimik nalileereernermi pilersaarusiukkamik sammisaqartoqassaaq. Kingusinnerpaamik 26-inik qaammateqalernermi.

Atuagaaraq "Kigutileriveqarfimmiit asannittumik inuulluaqqussut" tunniunneqarsinnaavoq.

- **26-inik qaammatillit:** Meeqqat angajoqqaallu ataatsimoorlutik kigutilerivimmut pulaarnerat.

Angajoqqaat kigutilerisoqarfimmiullu, meeqqat peqataatillugit naligiimmik oqaloqatigiinnerat. Kigutigissar-neq/ilitsersuineq/kigutit qaqorsaataat.

Nerisat/akunniliullugit nerisat/imeruersaatit oqaluuserinerat.

Sutsitornermut kigutillu immuttuutit katagalernissaasa tungaanut pigiinnarnissaasa pingaaruteqassusaanut tunngatillugu paasissutissiineq.

Siunissami meeqqerivimmut pulaarnissanut tunngatillugu angajoqqaanik oqaloqateqarneq paasissutissiinerlu. Aarlerinassutsimik nalileereernermi pilersaarusiukkamik sammisaqartoqassaaq.

Kingusinnerpaamik pingasunik ukioqalernermi.

Atuagaaraq "Meeqqanik kigutigissaaneq" tunniunneqarsinnaavoq.

- **Pingasunik, sisamanik tallimanillu ukiullit:**

Meeqqerivimmi aqutsisoq perorsaasullu isumaqatigiissuteqarfigalugit, ukiumut ataasiarluni meeqqat kigutilerivimmut pulaartarnissaat.

Meeqqerivimmi aqutsisoq isumaqatigiissuteqarfigalugu klinikassistentit aamma/imal. kigutigissaasut meeqqerivinnut ukiumut marloriarlutik pulaartarnissat.

Meeqqerivimmut pulaarnermi kigutininik paarsinissamut tunngatillugu pinnguarneq ilinniarnertu

Filmertitsineq (ass. Gurli Gris kigutilerisumukartoq imal. kigutilerivinni ataasiakkaani isumassarsiat allat)

Suliniut nerisassanut peqqinnartunut peqqinnangitsunullu tunngasoq.

Kigutaasiat kigutigissaatillu, vatsit imusat, /pussuguteqqat nutsuutit, vatsillu ammalorsakkat atorlugit pinnguarneq.

Kigutigissaasut imal. klinikassistentit kigutit takunissaannut, fluorimillu (Pro Vanish fluorid) taninnissaannut meeqqanik kajumissaarissapput (angajoqqaat meeqqerivik aqutugalugu allaffigalugit ilisimatinneqaaqassapput)

Kigutigissaasut imal. klinikassistentit meeqqat aarlerinartorsiornerat naliliivigissavaat taamaalillutillu immikkut misissortinnissaq/pitsaaliuinissaq siunertaralugu, kigutilerivimmut meeqqanik immikkut pisariaqartitsisunik taakkulu angajoqqaavinik qaaqqusillutik.

Sulisut peqatigalugit kigutilerivimmi pulaarnermi ilaatigut sammineqassapput:

OCR-skemamik immersuilluni misissuineq

(klinikassistentit kigutigissaasullu 3-4-5 ukiulinni OCR-skemamik immersuisinnaapput) Kigutit sammillugit pinnguarneq, kigutileritittunut issiavimmik misiliineq- qullarlugulu appartittarlugu. Meeqqat toqqissisimalersillugit.

Meeqqerivik suleqatigalugu, pulaartinnani angajoqqaanut atortussanik tunniussisoqassaaq.

Aarlerinassutsimik naliliinerup kingorna minnerpaamik ukiumut ataasiarluni pilersaarutaasumik sammisaqarneq.

Meeqqanik mikisunik kigutigissaanermi, najukkami pissutsinut naleqqussaansamut periarfissaqassaaq.

Arfinilinnik qaammatilinni ass. anaanangorlaani, ilaqtariinnut sullissivinni aamma ingerlanneqarsinnaassaaq.

Ilaqtariit angerlarsimaffimmut pulaarneqarnissaq kissaatiginngippasuk, soorunami kigutilerivimmut qaaqquneqassapput.


- **14-inik 26-inillu qaammatillit:** Tunngaviumik **arlaliullutik; ataatsimoorlutik**, angajoqqaat misilittakkaminnik avitseqatigiissinnaaqullugit aammali suliasanut allanut aamma piffissaqarsinnaajumalluta.




- Angajoqqaat pulaarnermi allanik aamma peqataasoqarnissaanik ilisimatinneqassapput, kisimiinnissartilli kissaatigippassuk soorunami kisimiitillugit qaaqquneqassapput.
- **Pingasunik-sisamanik-tallimanik ukiullit:** Amerlasuut ulluunerani paaqqinniffimiinnaq, ukiumullu ataasiarlutik perorsaasunik ilaqarlutik kigutileriviliarlutik. Tamatumani ulluunerani paaqqinnittarfik ataatsimeeqatise-rineqassaaq suleqatigiinnissamullu pitsaasunik atugassiilluni.

Vanish Fluoridimik taniisoqassaaq.

Kigutilerivimmut pulaarnermi OCR immersugassat klinikassistentinit imal. Kigutigissaasunit immersor-neqassapput.

Lone Mahnfeldt
Kigutilerisut
Qullersaat
Januari 2023

<p>Kig. imal. Kigutit nakorsaak</p>	<p>18 – 19 nik ukiulik</p> 	<p>8'-ii</p>	<p>Kigutaanik misissuineq OCR-millu immersuineq. Kigutigissarluartarnersoq misissorneqassaaq. Kigutai qalipariarlugit Plak- index nalilersorneqassaaq. Ikkiisa qanoq innerat nalilersorneqassaaq (Gingiva-index) Pisariaqarpat BW. Pisariaqarpat Fluor-imik kigutai taninneqassapput. Kigutip putunissaanut aarlerinarsinnaasunik naliliineq - Suliarsassanik pilersaarusiorneq – Pisariaqarpat aggeqqiffissaaq COSMIC-IMI PLANLAGT AKTIVITET ilanngunneqassaaq.</p>	
---	--	--------------	---	--

Kig. imal. Kigutit nakorsaat	20-nik ukiulik 	Kigutaanik misissuineq. OCR-millu immersuineq. Kigutigissarluartarnersoq misissorneqassaaq. Kigutai qalipariarlugit Plak- index nalilersorneqassaaq. Ikkiisa qanoq innerat nalilersorneqassaaq (Gingiva-index) Pisariaqarpat kigutai salinneqassapput. Pisariaqarpat BW. Pisariaqarpat Fluor-imik kigutai taninneqassapput.
Kig. imal. kigutit nakorsaat	21-nik ukiulik 	Kigutaanik misissuineq. OCR-millu immersuineq. Kigutigissarluartarnersoq misissorneqassaaq. Kigutai qalipariarlugit Plak- index nalilersorneqassaaq. Ikkiisa qanoq innerat nalilersorneqassaaq (Gingiva-index) Pisariaqarpat kigutai salinneqassapput. Pisariaqarpat BW. Pisariaqarpat Fluor-imik kigutai taninneqassapput. Ilisimatitsissutigineqassaaq inersimasunut kigutigissaaneq tunngavigalugu aalajangersimasumik 25-inik ukioqalereernissaa tikillugu misissortittassasoq. 25-leereernermilu kingorna namminneerluni saaffiginnilluni misissortittalissasoq.
Kig. imal. kigutit nakorsaat	22-nik ukiulik 	Kigutaanik misissuineq. OCR-millu immersuineq. Kigutigissarluartarnersoq misissorneqassaaq. Kigutai qalipariarlugit Plak- index nalilersorneqassaaq. Ikkiisa qanoq innerat nalilersorneqassaaq (Gingiva-index) Pisariaqarpat kigutai salinneqassapput. Pisariaqarpat BW. Pisariaqarpat Fluor-imik kigutai taninneqassapput. Ilisimatitsissutigineqassaaq inersimasunut kigutigissaaneq tunngavigalugu aalajangersimasumik 25-inik ukioqalereernissaa tikillugu misissortittassasoq. 25-leereernermilu kingorna namminneerluni saaffiginnilluni misissortittalissasoq.

Atuagassaaqqamik (brochure/pjece) agguasarneq/tunisisarneq pillugu:

Suliaqartup nammineq nalilissavaa pisariaqarnersoq atuagassaaqqamik (brochure/pjece) tunisinissaminut.

Tamatigut meeqqap/inuusuttup kigutaasa misissoreernerini, ataasiakkaanut naleqquttumik kigutaasa putunissaannut aarlerinarsinnaasunik naliliisoqassaaq, tulliani misissorteqqinnissaa qaquguussaansoq aalajangerniarlugu.

Meeraq/inuusuttoq puigungaanginniassammat tamatigut COSMIC-IMI PLANLAGT AKTIVITET ilanngunneqartassaaq.

Meeqqat inuusuttullu TAMARMIK misissortinnerminni OCR-imik immersuiffigineqassapput ukiut TAMAASA (sapinngisamik qaammat inuuvissiorfiat nalaarlugu).

Anguniarneqassaaq kigutit nakorsaanik minnerpaamik ukiup aappaa qaangiutsinnagu meeqqat/inuusuttullu ukiui najoqqutaralugit kigutaasa misissorneqartarnissaat.

Kigutileriffimmi pisortaasup/akisussaasup pilersarusiortassavaa pissutsit periarfissallu najoqqutaralugit tamatuma anguniarnissaa. 9-nik 12-inillu ukiullit ukiumoortumik misissornerini kigutit nakorsaata nalilersussavaa, kigutigissaasup imaluunniit kigutip nakorsaata nammineq misissussanerai, pissutigalugu kigutaasa inissisimanerisa malinnaaviginissaat. Suliniummi kigutinik narlorissaanermut atatillugu narlorissagassaqarpat kingusinaangitsumik paasinissaat qanorlu iliuseqarnissaaq pingaaruteqarmat.

Inuusuttunik kigutigissaaneq 16-niik 22-it ukiullit ilanngullugit

Kapitel 3 § 5-imi Kigutileriffeqarfiit najoqqutassaanni ima allaqqasoqarpoq:

Sulisussanik amigaateqanngiffimmi pisariaqartitsineq aallaavigalugu tulleriiarluakkamik aggeqqusisarnikkut, inuusuttut kigutiminnik paarserusullutik kajumissuseqarluartut naammassisamik suliarineqartassapput. Imaappoq: Minnerpaamik ukiumut ataasiarluni misissortissaaq OCR-millu immersuineqassaaq. Putoqarpallu suliaritinnissaminut neqeroorfigineqassaaq. Piffissamik pereerluni agginngitsoorpat, ulloq taanna SMS-imik nassiffigineqassaaq imatut imalik: "Ullumi agginngitsoorputit, suliaritikkusukkuut saaffiginnissinnaavutit aggerfissamillu nutaamik pillutit".

Sapinngisamik inuusuttoq kajumissaarneqassaaq aggeqqullugu. Inuusuttut 16-niik 22-it ukiullit ilanngullugit ukiumut ataasiarlugit aggeqquneqartassapput ukiumi misissuiffimmi 22-ileereersut ilanngullugit.

(25-ileereernissaa tikillugu ukiumoortumik aggersarlugu misissorneqartassaaq)

0-t 15-illu akornanni ukiulinni agginngitsoortoqarpat angerlar- simaffiat saaffigineqassaaq aggerfissamillu nutaamik tunineqarlutik.

Kigutileriffeqarfinni avammut saqqumineq

2019-mi Fluor-imik errortuisarneq nunaqarfinni illoqarfiillu atuariini tamani aallartinneqassaaq (illoqarfinni kigutileriffiit ataasiakkaat tamanna namminneq isumagissavaat). 2019-mi atuariinni 6.klassinik atuartitsisarneq aallartinneqassaaq. Kigutigissaasut klinikassistentillu atuariinni atuartitsisarneq ingerlatissavaat.

Atuartitsinerup imarissavai Nerisat/ Kigutigissartarneq/ Kigutigissarnermik ilinniartitsineq/Imeruersaatit seernartut/ tungusunnitsut.

2020-mi meeqqerivinnut pulaartarneq aallartinneqassaaq.

2022-mi 10.klassinut atuartitsisarneq aallartinneqassaaq.

Atuartitsinerup imarissavai meeqqat atuarianni atuarunnaaraanni kigutinik paarsinerup ingerlatiinnarnissaa.